

## **Pendahuluan**

Mata pelajaran Tasawwur Islam adalah satu bidang pengajian yang menumpukan kepada pengetahuan dan kefahaman yang menyeluruh mengenai Islam. Ia bertumpu kepada aspek-aspek utama yang sering dikaitkan dengan suasana semasa dalam konteks Malaysia hari ini.

Pengolahan mata pelajaran ini dibuat berasaskan kepada bidang-bidang utama iaitu Asas Pemikiran Islam, Pandangan Hidup Islam, Institusi Islam, Ekonomi Islam, Falsafah Perundangan Islam dan Penyelesaian Masalah. Penyusunan ini berbeza dengan apa yang terdapat dalam mata pelajaran Pendidikan Islam teras yang disusun mengikut pembahagian tradisi ilmu-ilmu Islam. Bagi mata pelajaran Tasawwur Islam pengolahan berasaskan bidang-bidang di atas lebih sesuai kerana ia menyepadukan aspek-aspek akidah, ibadah, akhlak, sirah dan tamadun Islam.

Mata pelajaran ini ditawarkan sebagai salah satu daripada mata pelajaran elektif pengajian Islam. Penawaran mata pelajaran ini terbuka kepada semua pelajar samada Islam atau bukan Islam kerana kandungannya lebih menumpukan kepada konsep Islam, tidak kepada aspek peribadatan khusus dalam Islam. Ini adalah selaras dengan hasrat Malaysia sebagai sebuah negara yang berbilang kaum, agama dan kebudayaan serta selari dengan hasrat Falsafah Pendidikan Negara.

### sukatan pelajaran tasawwur islam kbsm

Masyarakat pelajar perlu memahami persoalan-persoalan dan isu kehidupan yang luas yang mencorak dan mempengaruhi budaya dan cara hidup masyarakat. Semua persoalan ini perlu dilihat dari kacamata dan pandangan hidup yang luas. Tasawwur Islam boleh memberi penjelasan yang menyeluruh terhadap persoalan-persoalan di atas.

Kemajuan teknologi dan komunikasi yang pantas dan pesat menjadikan dunia seolah-olah sempit dan kecil. Meskipun kepesatan kemajuan tersebut memberi sumbangan yang besar dalam kehidupan manusia, namun unsur budaya asing yang

negatif semakin meningkat di samping kerapuhan aspek ketahanan dan jati diri di kalangan masyarakat terutama golongan remaja boleh mengancam budaya dan nilai-nilai hidup murni masyarakat. Mata pelajaran Tasawwur Islam mampu menjelaskan peranan dan sumbangan positif Islam terhadap kemajuan dunia dan keupayaannya menangani cabaran-cabaran baru yang dihadapi oleh masyarakat Malaysia.

### **MATLAMAT**

Matlamat mata pelajaran Tasawwur Islam adalah untuk memperluas dan memperkukuh kefahaman pelajar tentang pandangan hidup Islam serta memantapkan pegangan terhadap nilai-nilai hidup Islam agar membolehkan mereka menjadi manusia yang berilmu dan berakhlak mulia.

## **OBJEKTIF**

Objektif mata pelajaran Tasawwur Islam adalah supaya pelajar dapat;

1. Memahami pandangan hidup Islam yang benar, lengkap dan menyeluruh.
2. Memahami peraturan dan perundangan Islam yang telah ditetapkan.
3. Memahami apa yang dapat menyelesaikan masalah kehidupan dengan rasional dan bijaksana.
4. Memahami cara hidup Islam boleh diamalkan dan dihayati
5. Menjadi seorang insan yang bertanggungjawab dan sedia berbakti kepada agama, bangsa dan negara.

## **ORGANISASI KANDUNGAN**

Pemikiran Islam adalah berasaskan kepada wahyu dan akal. Sumber wahyu yang terangkum di dalam al-Quran al-Karim dan Sunnah Rasullullah s.a.w. merupakan asas yang mencorak pemikiran dan juga menjadi pegangan hidup setiap muslim. Di samping itu, akal fikiran juga boleh digunakan selagi tidak bercanggah dengan al-Quran dan as-Sunnah.

### sukatan pelajaran tasawwur islam kbsm

Pandangan hidup Islam merangkumi unsur-unsur Ketuhanan (*Rabbaniyyah*), Lengkap (*Syumuliyyah*), Benar dan Nyata (*Waqi'iyah*), Sarwajagat (*'Alamiyyah*) dan Luwes (*Murunah*).

Berdasarkan konsep dan asas-asas pemikiran yang terkandung didalam al-Quran dan as-Sunnah, dapat diwujudkan sistem dan bentuk pemerintahan, pentadbiran, kehakiman, ekonomi dan sosial yang menjamin kesejahteraan hidup individu dan masyarakat.

Kefahaman yang lengkap tentang Islam dan kesungguhan melaksanakannya, menjadikan setiap individu bersedia untuk menerima dan menjayakan ajaran Islam. Pengetahuan dan penjelasan yang sahih membolehkan setiap individu memahami *fadilat* dan *hikmat* setiap peraturan yang terkandung di dalam perundangan Islam.

Mata pelajaran ini disusun secara berperingkat dengan menumpukan perhatian di peringkat awalnya kepada asas pemikiran dan pandangan hidup Islam. Diikuti dengan sistem hidup Islam yang ditumpukan kepada institusi-institusi asas yang bercorak siasah dan sosio-ekonomi. Akhirnya dikemukakan cara-cara untuk menyelesaikan masalah berpandukan kaedah dan pendekatan Islam.

## 1. ASAS PEMIKIRAN ISLAM

- 1.1 Ketuhanan, kerasulan, insan dan alam
  - 1.1.1 Konsep ketuhanan.
  - 1.1.2 Konsep kerasulan
  - 1.1.3 Konsep kejadian insan
  - 1.1.4 Konsep Alam
  - 1.1.5 Tanggungjawab memelihara dan memulihara alam
  
- 1.2 Kedudukan wahyu dan akal
  - 1.2.1 Islam berteraskan wahyu
  - 1.2.2 Islam adalah lengkap dan meliputi semua aspek kehidupan
  - 1.2.3 Tiada keraguan dalam Islam.
  - 1.2.4 Wahyu adalah sumber ilmu Islam yang bersifat azali
  - 1.2.5 Kedudukan dan peranan akal serta hubungannya dengan wahyu
  
- 1.3 Bimbingan al-Quran kepada akal
  - 1.3.1 Akal berfungsi di bawah naungan wahyu
  - 1.3.2 Tindak tanduk akal boleh diterima sekiranya tidak bercanggah dengan tuntutan wahyu
  
- 1.4 Bimbingan Hadis kepada akal
  - 1.4.1 Peranan dan kedudukan Hadis sebagai panduan dan ikutan
  - 1.4.2 Hadis sebagai sumber perundangan
  
- 1.5 Pengaruh yang merosakkan pemikiran muslim
  - 1.5.1 Pengaruh luar dan dalam yang bertentangan dengan ajaran Islam
  - 1.5.2 Ketidakupayaan segolongan umat Islam membezakan unsur-unsur budaya asing yang tidak bercanggah dan yang bercanggah dengan ajaran Islam

1.5.3 Ajaran sesat yang lahir dari kejahilan umat Islam sendiri

## 2. PANDANGAN HIDUP ISLAM

### 2.1 Rabbaniyyah ( Ketuhanan )

- 2.1.1 Islam adalah agama Allah yang diturunkan kepada Nabi Adam a.s. sehingga kepada Nabi Muhammad s.a.w
- 2.1.2 Kitab suci Al-Quran adalah pedoman dan panduan sepanjang masa
- 2.1.3 Sifat Al-Quran yang azali dan terpelihara , tetap kekal dan tidak berubah

### 2.2 Syumuliyah ( Lengkap )

- 2.2.1 Islam agama Rabbani yang bersifat syumul, sesuai di setiap tempat, masa dan keadaan

### 2.3 Waqi'iyah ( Benar dan Nyata )

- 2.3.1 Islam agama Allah yang bukan berbentuk teori dan praktikal
- 2.3.2 Ajaran Islam mampu dilaksanakan oleh semua golongan masyarakat

### 2.4 `Alamiyyah ( Sarwajagat )

- 2.4.1 Islam sesuai untuk semua individu, masyarakat dan bangsa di seluruh dunia

### 2.5 Murunah ( Luwes )

- 2.5.1 Islam agama yang mudah dan tidak menyusahkan
- 2.5.2 Islam mengharuskan sesuatu perkara selagi tidak bercanggah dengan syariat Islam

### **3. INSTITUSI ISLAM**

#### 3.1 Sistem Pemerintahan Islam dan Pentadbiran Islam

- 3.1.1 Matlamat, ciri dan pembentukan pemerintahan Islam
- 3.1.2 Tanggungjawab pemimpin dan rakyat dalam Negara Islam

#### 3.2 Sistem Kehakiman Menurut Islam

- 3.2.1 Kehakiman berlandaskan Al-Quran dan Al-Hadis
- 3.2.2 Kepentingan sistem kehakiman dalam Islam

#### 3.3 Sistem Sosial Menurut Islam

- 3.3.1 Hubungan manusia dengan Allah
- 3.3.2 Hubungan sesama manusia dan makhluk.

### **4. EKONOMI ISLAM**

#### 4.1 Islam Dan Harta

- 4.1.1 Harta adalah amanah Allah
- 4.1.2 Memperolehi dan membelanjakan harta
  - a. Sumber harta dan cara memperolehinya
  - b. Mengelakkan monopoli, manipulasi dan riba
  - c. Membelanjakan harta ke jalan yang diredai dan tidak membazir

#### 4.2 Islam dan Hak milik

- 4.2.1 Islam mengiktiraf hak milik
- 4.2.2 Larangan mencero boh harta orang lain

#### 4.3 Islam dan Pekerjaan

- 4.3.1 Galakan bekerja
- 4.3.2 Bekerja kerana Allah

- 4.4 Falsafah dan Sistem Muamalah Islam
  - 4.4.1 Pengertian Muamalah menurut Islam
  - 4.4.2 Kepentingan muamalah
  - 4.4.3 Jenis-jenis muamalah

## **5. FALSAFAH PERUNDANGAN ISLAM**

- 5.1 Perundangan Islam
  - 5.1.1 Makna Perundangan Islam dan falsafah
  - 5.1.2 Pengertian qada`, feqah, ijihad dan fatwa
  - 5.1.3 Matlamat perundangan Islam
  - 5.1.4 Pengertian Hukum, wajib, haram, sunat, makruh dan harus
  - 5.1.5 Hikmat kefarduan sesuatu hukum
  
- 5.2 Falsafah Ibadah Dalam Islam
  - 5.2.1 Pengertian ibadah
  - 5.2.2 Konsep dan falsafah ibadah
  - 5.2.3 Munakahat dan Jinayat

## **6. PENYELESAIAN MASALAH**

- 6.1 Asas dan pertimbangan penyelesaian masalah menurut Islam
- 6.2 Cara penyelesaian masalah.
- 6.3 Isu dan masalah serta cara penyelesaian menurut Islam
- 6.4 Kelebihan menyelesaikan masalah menurut Islam